



Republika e Kosovës
Republika Kosovo / Republic of Kosovo

Kuvendi i Komunës Rahovec
Opština Skupština Rahovac/Municipality of Rahovec



REPUBLIKA E KOSOVES
REPUBLIKA KOSOVA
KOMUNA E RAHOVECIT - OPŠTINA ORAHOVAC
Drejtoria për Administratë të përgjithshme
Odeljanje za Opštu Upravu

-III- Nr. i prot. 2460 Më 08.11.2019
Br. prot. RAHOVEC - ORAHOVAC

Në mbështetje të nenit 53 paragrafi 1 të Ligjit Nr. 05/L-031 për Procedurën e Përgjithshme Administrative ("Gazeta zyrtare e Republikës së Kosovës Nr. 20/2016"), Dispozitave të Ligjit Nr. 06/L-092 për Dhënien në Shfrytëzim dhe Këmbimin e Pronës së Paluajtshme të Komunës të datës 07.03.2019 dhe kërkesën e Drejtorisë për Ekonomi, Zhvillim dhe Turizëm në Komunën e Rahovecit, Komisioni vlerësues i ofertave për dhënien e pronës së paluajtshme të Komunës në shfrytëzim afatshkurtër dhe afatgjatë i caktuar me vendim të Kuvendit të Komunës së Rahovecit Nr. Prot. 2055 të datës 28.06.2019, në mbledhjen e mbajtur me datë 07.11.2019 merr këtë:

V E N D I M

Për anulimin e njoftimit për ankand publik

1. **Anulohet** njoftimi për ankand publik për dhënien e pronës së paluajtshme të Komunës në shfrytëzim afatshkurtër me Nr. Prot. 2976 të datës 26.09.2019.
2. Vendimi i Kuvendit të Komunës së Rahovecit me Nr. Prot. 2695 të datës 30.08.2019 për dhënien në shfrytëzim afatshkurtër mbetet në fuqi deri në njoftimin e radhës për ankand publik.
3. Ky vendim hyn në fuqi menjëherë pas nënshkrimit të tij.

A r s y e t i m

Pas konsultimit me drejtoritë përkatëse në lidhje me Planin Zhvillimor Komunal, Komisioni në mbledhjen e mbajtur me datë 07.11.2019 morri vendim për anulimin e njoftimit për ankand publik për dhënien e pronës së paluajtshme të Komunës në shfrytëzim afatshkurtër, pasi që parcelat kadastrale të cekura në Vendimin e Kuvendit të Komunës me Nr. Prot. 2695 të datës 30.08.2019 janë në kundërshtim me nenin 5 paragrafi 1 pika 1.2 të Ligjit Nr. 06/L-092 për Dhënien në Shfrytëzim dhe Këmbimin e Pronës së Paluajtshme të Komunës, pasi që qëllimi i shfrytëzimit të pronës së paluajtshme të komunës duhet të jetë e harmonizuar me dokumentet e planifikimit hapësinor.

Andaj, pasi që Plani Zhvillimor Komunal është në fazën e hartimit të tij, konstatojmë se nuk mund të zhvillojmë asnjë procedurë për dhënien në shfrytëzim të parcelave të cekura në vendimin e Kuvendit të Komunës, pasi që bie ndesh me dokumentacionin e planifikimit hapësinor.

Me sa u tha më lartë u vendos si në dispozitiv të këtij vendimi.

Këshilla Juridike: Pala e pakënaqur me këtë vendim ka të drejtën e ankesës në afat prej 30 ditësh, nga dita e pranimit të vendimit, Komisionit për Zgjidhjen e Kontesteve dhe Ankesa në kuadër të Komunës së Rahovecit.

Vendimi u dërgohet:

- *Anëtarëve të Kuvendit,*
- *Palëve ofertuese në ankand publik,*
- *Drejtorisë për Gjeodezi, Kadastër dhe Pronë,*
- *Drejtorisë për Ekonomi, Zhvillim dhe Turizëm, dhe*
- *Arkivit.*

Anëtarët e Komisionit:

Artan Zenuni



Refki Kryeziu



Saranda Sallteku



Artan Asllani



Sihana Duraku

